



Bentiarq Ottosen

UPA 2026/184-1

Atassut

03. Juni 2026

Nunat tamalaat niueqatigiinnikkut suliniaqatigiiffiannut (WTO) ilaasortanngornissaq siunertaralugu, ilaasortanngorniarnermik sapinngisamik piaarnerpaamik aallartitsinissaannik, Naalackersuisut pequneqarnissaannik Inatsisartut aalajangiiffigisassaattut siunnersuut.

(Demokraatit eqimattai)

Atassutip politikikkut tunngavia naapertorlugu Kalaallit Nunaat nunanut allanut ammasumik niueqateqarnikkut suleqateqarnissaa pingaartutut isigaa. Atassutip nunani tamalaani niueqatigiinnikkut suliniaqatigiiffianut ilaasortanngorniarnermik aallartitsinissaq politikikkut naleqartitanullu naappertuuttoq oqaatigisinnaavarput. Niuernikkut periarfissat nukittorsarneqarnissaat pingaartuuvoq, nunatta aningaasaqarnikkut patajaatsumik inissinnissaanut siunertamut aqutissiususaalluni. Taamaattumik nunatta siunissami niuernikkut nunat allat peqatigalugit qitiulluinnartumik inissinneranut toqqammavileeqataasinnaasoq upperalugu.

Atassut soqutigilluinnarpaa nunatsinni pisuussutivut uummasut uummaatsullu niuernikkut nunatta aningaasaqarneranut ineriartorfiusumik patajaatsumik inissittoqarnissaa, Kalaallit Nunaat nunarsuarmi niueqatigiinnikkut peqataalluarneratigut aammalu nammineerluni nunatta soqutigisaminik siunertaqarluni aningaasarsiorinissaa naapertuuttoq oqaatigisinnaavarput.

Nunarsuarmi niuffaffinnut amerlanerulersitsinissamik periarfissaqalersinnaanera Atassutip upperaa, peqatagisaanillu aningaasarsiorinikkut pingaarnersiunermi aalisarnikkut, inuussutissarsiorneq aammalu aatsitassat qaqutigoortut aallaavigalugit nuna aningaasarsiorfiusoq patajaatsoq anguneqarsinnaasoq isumaqarluta.

Atassutip aamma isumaqatigaa Kalaallit Nunaata nunarsuarmi inuiaqatigiinut peqataalluarnissaa aammalu nammineerluni aalijangiissinnaassuseqarnissaa. Tamanna aamma qulakkeerneqarsinnaavoq WTO-mut ilaasortaanikkut nunat tamalaat akornanni niuernikkut isumaqatiginninniarnermi oqartussaassuseqarnerulerluni ingerlalersinnaanera.

Taama oqaaseqarluta Naalackersuisut allannguutissatut siunnersuutaat taparserparput, ataatsimiititaliamut susassaqtumut innersuullugu inassutigaarput.